

Ա. Ա. ԼԱԼԱՅԱՆ

ՀԱՅԱՍՏԱՆՈՒՄ ԾԱՌԱՅԱԾ ԱՌԱՋԻ, ՌՈՒՍ ԲՈՒՇԿՆԵՐԻ ԳՈՐԾՈՆԵՈՒԹՅԱՆ
ՀԱՐՑԻ ՇՈՒՐՋԸ

Հայաստանում ծառայած առաջին ռուս բժիշկների գործունեությունը շատ քիչ է ուսումնասիրված և լուսարանված: Առանձին հեղինակներ (Լ. Մելիք-Շահադարյան, Լ. Ս. Հովհաննիսյան) արխիվային փաստաթղթերի հիման վրա միայն մասամբ լուսարանել են այս հարցի առանձին կողմերը:

Այստեղ մենք նպատակ ենք ունեցել Հայաստանում ծառայած առաջին ռուս բժիշկներից մեկի զրչին պատկանող երկու մոռացված աշխատության նյութերի հիման վրա լուսարանել նրանց գործունեությունը հատկապես ժանտախտի դեմ մղված պայքարում:

Խոսքը վերաբերում է Հայաստանում ծառայած ռուս առաջին բժիշկներից մեկի՝ ռուս-թուրքական պատերազմի Կովկասյան ճակատում գործող 20-րդ հետևակային դիվիզիայի բժիշկ Շուլլերի 1829 թվականին հրատարակված աշխատություններին, որոնք կրում են «Կարսում և նրա շրջակայքում ժանտախտը դադարեցնելու համար օգտագործված միջոցառումները» և «Ժանտախտի ժամանակ սնդիկային քսուկի և փայտի յուղի մասին» վերնագրերը:

Ինչպես թուրքական զորքերի, այնպես էլ Կարսի բնակիչների մեջ այդ ժամանակ խիստ տարածված էր ժանտախտը, որը Կարսում և նրա շրջակայքում, ըստ Շուլլերի տվյալների, 2000 զոհ տարաժյու Կարսում մնացած ռուսական բանակի ջոկատի ավագ բժիշկ Շուլլերը գլխավոր հրամանատարությունից հանձնարարություն է ստանում միջոցառումներ ձեռնարկել Կարսի վիլայեթում ժանտախտը լիկվիդացնելու համար: Բժիշկ Շուլլերը այդ ուղղությամբ կատարված միջոցառումները նկարագրել է իր «Կարսում և նրա շրջակայքում ժանտախտը դադարեցնելու համար օգտագործված միջոցառումները» վերնագիրը կրող աշխատության մեջ: Ի՞նչ ենք մենք տեղեկանում այդ աշխատությունից:

Կարսում և նրա շրջակայքում հակաժանտախտային պայքարը կազմակերպելու գործում հիմնական դժվարություններից մեկը գիտական պահանջներին համապատասխանող կարանտիններ կառուցելու անհնարինությունն էր: Այդ մասին Շուլլերը գրում է. «... Այս ասիական ժողովուրդը ուղղակի հայտարարեց, թե լավ է իրենց բոլորի գլուխը կտրեն, քան իրենք ենթարկվեն կարանտինային օրենքներին, որոնցից նրանք արտակարգ վախենում են և որոնք, նրանց կարծիքով հակառակ են նրանց կրոնին»:

Ակնհայտ էր, որ արևելյան բռնապետության լծի տակ դարերով տառապող ժողովրդի մտավոր խավարը նաև առողջապահության հարցերում զգալի չափով պարարտ հող էր համաճարակների տարածման համար և որոշակի արդեյր հակահամաճարակային պայքարում: Պետք էր դեթ մասամբ ցրել այդ խավարը, և ժողովուրդն ինքը կդառնար հակահամաճարակային պայքարի մարտիկ:

Կարողում և նրա շրջակայքում ժանտախտը դադարեցնելու ուղղությամբ բժիշկ Շուլլերի ձեռնարկած միջոցառումները ամենից առաջ նպատակ են ունեցել բնակչությանը հաղորդել տարրական դիտելիքներ ժանտախտի էության, նրա տարածման և նրա դեմ պայքարի միջոցների մասին, այսինքն, այսօրվա տերմինով ասած՝ սանիտարական լայն ագիտացիա տանել։ Այդ միջոցառումը իրագործվել է դանադան ձևերով։ Ինքը՝ բժիշկը բնակչությանը պատմել է այդ ամենի մասին փողոցներում և շուկաներում։ Բժշկի զրույցները մեծ շափով հետաքրքրել են բնակչությանը։ Այդ հետաքրքրությունը չի կրել դուռ հետաքրքրասիրության բնույթ, այլ հետապնդել է դորձնական նպատակներ. դրա ապացույցն այն է, որ ամենուրեք բնակիչները աշխատել են գտնել դրադեմ մարդիկ և գրի առնել բժշկի ասածները։ Չի նշված ոչ մի դեպք, երբ բնակիչները ծաղրի, արհամարհանքի կամ հալածանքի ենթարկած լինեն բժշկին։

Բժիշկ Շուլլերի տված հիմնական խրատները եղել են հետևյալները.

«1) Լվացվել աղի ջրով, 2) ոչ ոքի իր մոտ հյուր չընդունել և իր իրերի վրա ոչ ոքի թույլ չտալ նստել, 3) հյուր չդնալ և չնստել ուրիշների վարակ բնդունող իրեղենների վրա. չդնալ իր խանութը և փողոցում չքսվել այլ մարդկանց, 4) իր ապրանքներից և իրեղեններից ոչ ոքի ոչինչ չվաճառել, չտալ և առանց իմանալու չառնել ոչինչ, որ կարող է իր մեջ վարակ պարունակել, բացի ուտելիքներից, 5) կասկածելի զգեստը լվանալ աղաջրում և քամուն տալ, 6) վարակված կամ վարակված լինելու մեջ կասկածվող մարդկանց հավաստել, 7) հիվանդությունը հայտնվելու դեպքում դիմել բժշկական օգնության»։

Ավելի ուշ, օգոստոսի կեսերին, բժիշկ Շուլլերը գրում է նոր խրատ, որի բովանդակությունը թեպետ չի բերված, բայց դրա մասին հեղինակը ասում է, թե նպատակ է դրել, ժանտախտից սարսափած բնակչությանը «... հասկացողություն տալ վարակվող և չվարակվող իրերի մասին, այլև այն մասին, թե ինչպես պետք է վարակված իրերը մաքրել ժանտախտի թույնից»։

Այս խրատները թարգմանվել են հայերեն ու թուրքերեն և ամեն օր բնթերցվել քաղաքի շուկաներում, ժանտախտով վարակված տներում, ինչպես նաև եկեղեցիներում ու մզկիթներում։

Դժվար չէ նկատել, որ վերը բերված խրատի բովանդակությունը իր ժամանակի համար շատ խելացի է, առաջավոր և նպատակասլաց։ Հեղինակը չի չափազանցնում, երբ գտնում է, որ այդ խրատի կիրառումը մեծ շափով նպաստեց ժանտախտի վերացման գործին։

Հայաստանում ծառայած տուաչին ռուս բժիշկները ճիշտ էին վարվում, երբ իրենց գործունեության հիմնական նպատակներից մեկը տեսնում էին բնակչության լայն խափերում բժշկա-սանիտարական դիտելիքների տարածման մեջ։

Բացի զրույցներից և խրատներից, բժիշկ Շուլլերը հաջողությամբ կիրառել է ժանտախտով վարակվելու առանձին դեպքերի մասին բնակչությանը հայտարարությունների ձևով տեղյակ պահելու եղանակը։ Ձեռնարկված միջոցառումներն ընդգրկել են ոչ միայն կարս քաղաքը, այլև Կարսի շրջանի գյուղերը և փյաչեթը։ Խրատն արտադրվել է այնքան օրինակ, որքան ժանտախտով վարակված գյուղեր կային փյաչեթում և արդեն օգոստոսին աստիճանավորների միջոցով ուղարկվել այդ բոլոր գյուղերը։ Հեղինակը նշում է, որ Կարսի շրջանի գյուղերում այդ խրատում տրված առաջադրանքները բնակիչները օգտագործել են կամավոր կերպով և բարեխղճությամբ, որով և նա բացատրում է ժանտախ-

տի գաղափարումը Կարսի շրջանի գյուղերում: Հեղինակը մատնանշում է, որ Կարսի ամբողջ վիլայեթում, ինչպես քաղաքի, այնպես էլ գյուղի բնակչությանը կամավոր կերպով կատարում էին բժշկի տված խրատները, որը և հանդիսացավ այդտեղ ժանտախտի դադարեցման հիմնական նախապայմաններից մեկը:

Ինչպիսի միջոցառումներ են ձեռնարկվել ժանտախտով վարակվածների նկատմամբ: Հակաժանտախտային պայքարը սուրել են բժշկական աստիճանավորները՝ բժիշկները (медики) և կարանտինային բույրերը (карантинные бабки):

Բժշկական անձնակազմը զննել է բնակիչներին, հիվանդներին գեղորայք է բաժանել: Սակայն բժշկական անձնակազմի գործունեությունը հակաժանտախտային պայքարում որոշ չափով սահմանափակված է եղել նաև այն առումով, որ հիվանդների և հիվանդությունների վարակված լինելու մեջ կասկածիլոջ անձանց մարմնի զննումը պարտադիր բնույթ չի կրել: Բժշկական անձնակազմը իրավունք չի ունեցել զննելու այդպիսի անձանց, եթե դրանք դեմ են եղել իրենց զննմանը:

Ժանտախտով վարակված բնակիչներ ունեցող տների առջև հատուկ նշան է դրվել, որպեսզի բժշկական աստիճանավորները կարողանան գտնել այդ տները և վարակազերծեն իրերը:

Հակաժանտախտային պայքարում ինչպիսի դերք էին դրավել ուղղմական իշխանությունները և հոգևորականությունը:

Վերահիշյալ միջոցառումներն իրագործելու ասուլարեղում որոշակի դեր է խաղացել ուղղմական իշխանությունը: Ամենից առաջ, ինչպես վերևում արդեն ասվեց, բժիշկ Շուլլերը զխափոք հրամանատարության կողմից առաջադրանք է ունեցել ժանտախտի դեմ պայքար կազմակերպել Կարսում և նրա շրջակայքում: Գեներալ-մայոր, իշխան Բեկովիչ-Չերկասսկին հավաքել է քաղաքի հոգևորականությունն ու թուրքական վարչությանը և առաջարկել կիրառել բժշկի խրատներում առաջադրված միջոցառումները:

Թուրքական ղեկավարները և որոշ հոգևորականներ շարունակել են տարածել այն միտքը, որ ժանտախտը առաժառակապես է մարդկանց մեղքերի համար, հետևապես մարդիկ նրա դեմ անցնել են: Սակայն բնակիչները իրենց փորձով համոզվել են, որ ժանտախտը տարածվում է վարակի ձևով և հիվանդությունից կարելի է խուսափել նախազգուշական միջոցառումների շնորհիվ: Այդպիսի համոզմունքը, որ ձեռք է բերվել սեփական փորձով, չէր կարող չխաբխել ժանտախտը առաժառակապես վերադրելու վերսիան, հետևապես հարվածել սնտախտաշտությունը: Հոգևորականությունը հակաժանտախտային պայքարում բաղասական դեր է խաղացել նաև այն իմաստով, որ, իր շահագիտական նպատակներից ելնելով, օրյեկտիվորեն նպաստել է ժանտախտի տարածմանը: Ըստ տրադիցիայի, մահացածների զգեստները նվիրվել են քահանաներին, որոնք այն վաճառել են իրենց կրպակներում:

Քանի որ այդ շրջանում ժանտախտից հսկայական մահացություն է եղել, ուստի մեռածների զգեստները հոգևորականներն վաճառելով, վարակի աղբյուրն տարածել են առողջների մեջ և դրանով փաստորեն օժանդակել ժանտախտի տարածմանը: Կարսի բնակիչները բժշկական խրատների բարերար ազդեցության շնորհիվ դադարել են կրոնավորների կրպակներից զգեստներ գնել: Քահանաները, սակայն, չցանկանալով զրկվել իրենց շահի աղբյուրից,

այդ զգեստները սկսել են վաճառել Կարսի շրջակա գյուղերում և զրանով խոկ նստատեղ այնտեղ ժանտախտի տարածմանը: Բայց շուտով այդ նրանց արգելվել է:

Հեղինակը նշում է նաև Կարսի հայ քահանաների մի այլ վատ արարքի մասին, որ զգալի չափով նստատեղ է ժանտախտի տարածմանը: Մարզային վարչության կողմից կարգադրություն է եղել հայ ու մահմեդական հոգևորականությանը՝ ամեն օր տեղեկություն տալ ոստիկանությանը և բժիշկ Շուվերին ժանտախտով հիվանդների և դրանից մեռածների վերաբերյալ: Հայ քահանաները, ինչպես վերը ասվեց, ձրիարար ստացել և վաճառել են մեռածների զգեստները: Որպեսզի կարողանան շարունակել իրենց այդ շահավետ առևտուրը, նրանք թաքցրել են իրական փաստերը և տեղեկություն են տվել, թե իբրև հայկական արվարձաններում ժանտախտ չկա: Այդտեղ ժանտախտը գնալով տարածվել է, նրանք սկսել են մեռածներին թաղել դադտնի կերպով, գիշերը, և մեկ ամսվա ընթացքում երկու մահալներում մեռել են 300 մարդ, որոնց մասին հայ քահանաները ոչ մի տեղեկություն չեն տվել, այլ շարունակել են օլնդել, թե այդտեղ ժանտախտ հիվանդության, կամ դրանից մահացության ոչ մի դեպք չկա: Քահանաների այդ արարքը հայտնի դառնալուց հետո միայն հնարավոր է եղել վերացնել ժանտախտը նաև այդ մահալներում:

Շուվերի մյուս աշխատությունը կրում է «Ժանտախտի ժամանակ սնդիկային քսուկի և փայտի յուզի օգուտի մասին» վերնագիրը: Այդ, այսօրվա տերմինով ասած, «դիտողություն է պրակտիկայից» կատարված այն շրջանում և պայմաններում, որոնց մասին վերևում արդեն ասվեց:

Բժիշկ Շուվերի կողմից կերպոված ժանտախտի բուժումը իր ժամանակին հակաժանտախտային բաժականաչափ սահմանափակ ու սուղ միջոցառումների արտահայտությունն է, որ պայմանավորված է պատմական պատճառներով, ամենից առաջ՝ միկրոբիոլոգիայի զարգացման ցածր աստիճանով:

Բայց այստեղ հետաքրքրական է մի այլ հանդամանը: Բժիշկ Շուվերը, շնայած վերը նկարագրված ծանր պայմաններին, չի դադարում դիտական բնույթի դիտողություններ և ընդհանրացումներ կատարել: Նա իր պարտքն է համարում նաև դրանց արդյունքը հրապարակել:

Վերևում ասվածի հիման վրա հժնդում ենք հետևյալ եզրակացություններին.

1. Հայաստանում ծառայած առաջին ուսա բժիշկների կողմից զբաղված և մեղ հասած առաջիմ հայտնի միակ աշխատությունները 1828—1829 թթ. ուսաթուրքական պատերազմի Կովկասյան հակառակում գործող 20-րդ հեռակային դիվիզիայի բժիշկ Շուվերի երկու աշխատություններն են:

2. Վերոհիշյալ աշխատությունները յուրահատուկ հետաքրքրություն են ներկայացնում բժշկության պատմության, մասնավորապես Հայաստանում ծառայած առաջին ուսա բժիշկների գործունեության լուսարանման համար:

3. Այդ բժիշկների գործունեությունը մի հերոսական էջ է ուսա բժիշկների գործունեության պատմության մեջ: Նրանք հաղթահարել են բազմաթիվ և բազմապիսի դժվարություններ: Հայաստանում առաջին ուսա բժիշկները հակաժանտախտային պայքարում զգալի արդյունքների են հանդիպել նաև թուրքական զեկավարության մնացորդների և հոգևորականների կողմից:

4. Ինչպես նախորդ հետազոտողների, այնպես էլ մեր տվյալներից ելնելով կարելի է ասել, որ Հայաստանում առաջին ուսա բժիշկները իրենց գործու-

նեոթյան հիմնական ոլորտներից մեկը համարել են բժշկական գիտելիքների տարրերի տարածումը բնակչության լայն խավերի մեջ: Նրանց կենդանի գրույցները, դրած խրատները գիտական բժշկականության և հիգիենայի տարրերի պոպուլյարիզացիայի առաջին փորձն էր դարեր շարունակ արևելյան բռնապետության խավերի ճիրաններում տառապող հայ բնակչության մեջ: Այդ փորձը գրական արդյունք տվեց ինչպես համաճարակների դեմ մղված պայքարում, այնպես էլ բնակչության հիգիենիկ կոպտուրայի բարձրացման գործում:

5. Հայաստանում ծառայած առաջին ռուս բժիշկները բուժական և պրոֆիլակտիկ բեղուն գործունեության հետ մեկտեղ կատարել են նաև գիտական գիտողություններ ու ընդհանրացումներ, այլ կերպ ասած, բուժական և պրոֆիլակտիկ աշխատանքը զուգակցել են գիտական աշխատանքի հետ:

А. А. ДАЛАЯН

К ВОПРОСУ О ДЕЯТЕЛЬНОСТИ ПЕРВЫХ РУССКИХ ВРАЧЕЙ, РАБОТАВШИХ В АРМЕНИИ

Р е з ю м е

На основании работ дивизионного доктора 20-й пехотной дивизии Шуллера, который в русско-турецкой войне 1828—1829 гг. служил на Кавказском фронте, мы задались целью осветить некоторые стороны деятельности первых русских врачей в Армении.

Работы Шуллера, под заглавием «Меры, употребленные для прекращения чумы в Карсе и его окрестностях» и «О пользе ртутной мази и деревянного масла в чуме», являются единственными нам известными работами, которые написаны первыми русскими врачами, работавшими в Армении.

Вышеупомянутые работы представляют особый интерес для истории медицины в Армении в связи с освещением деятельности первых русских врачей в Армении, труд которых—одна из героических страниц в истории деятельности русских врачей. Преодолевая невероятные и многочисленные трудности в борьбе против чумы, они встречались с бесчисленными препятствиями, чинимыми оставшимися представителями турецкой администрации и духовенства.

Исходя из данных прежних исследователей, а также из наших данных, можно сказать, что русские врачи в своей деятельности одну из важных задач видели в распространении элементов медицинских знаний среди широких слоев населения. Эта работа принесла значительную пользу как в борьбе против эпидемии, так и в деле поднятия гигиенической культуры населения.

Первые русские врачи, служащие в Армении, вместе с плодотворной лечебной и профилактической работой вели также наблюдения и обобщения научного характера.